



ЛЕНИНЭНЬ КИЯВА

1941 ие
июнь
4-це чи
61 (1357) №

ЛИСИ: 11-це ие,
12. № кояг

ВЛКСМ-нь Мордовской обкомонтъ ды Саранск ошонь комитетэнтъ газетаст

КОМСОМОЛЕЦТ ДЫ ОД ЛОМАТЬ, УЛЕДЕ ОД ЗАЕМОНЫ ЛАНГС СЕРМАДСТОМАСОНТЬ ИКЕЛЕ МОЛИЦЯКС!

Дружнасто сёрмадстатано од заемонть лангс!

СССР-нь СНК-нть постановлениязо Колмоце пятилеткань (нилеце иень нолдавт) заемонть нолдамодо тейсь од политической подьем минек народсонть. Тышат трудият, цела рабочей коллективть паро мельсэ сёрмадстыть эсест месячной заработной платы лангс од заемонть. Сынъ содыть, што те заемось седеяк пек кемекстасы минек масторонть экономической ды военной виензэ.

Сталинской пятилеткатнень иетнестэ трудиятне эсь сельмсэст неизь, ков молить сынст ярмакост, конатнень сынъ максыть заем государстванть. Касыть од промышленной гигант, панжовить ламо од учебной заведений ды иеде иес ламогладыть машинатне минек паксятнесь. Мордовской республикасонть Сталинской пятилеткатнень иетнестэ теезь промышленной зарья од предприятий, панжозь колмо институт, строязь ламо больниц ды амбулаторият, соцкультурань кудот ды клуб.


Весеменень чарькодеви, што СССР-нь экономической; культурной ды военной изнявкстнень теаманть пек лездесть заемне. Неть успехтнень неезь, минек масторонь эрва трудиясь кенарды сень кис, што заемс сёрмадсто, сон ашти участникекс социалистической родинань пек покш изнявкстнень теамасонть. Секс самай Саранскоень консервной комбинатонь рабочейтне ве мельсэ сёрмадстать вейке ковань заработной платы лангс Колмоце пятилеткань (нилеце иень нолдавт) заемс.

Вансынек ков молить заемне капиталистической масторсо. Англиянь государственной бюджетсэ ней пештяви сех пек заемонь ярмаконтъ эйстэ, конань силой савить народонтъ кедьстэ. Бюджетсэ жо целанек направленной войнань веймонть. Лиси, што войнань весе сталмось пры трудиятнень лангс.

Царской Россиясь заемакшнось средств омбо мастортнень пельде, мезень коряс сон свал ульнесь долгсо лия государстванть икеле. Советской государственной долгось ашти целанек внутреннеикс. Секс минь а пандтано финансовой дань капиталистнень ды чиде чис кемекстатано эсенек независимостень.

Капиталистической масторсо заемтнесэ ансяк манчить трудиятнень, а советской заемне облигациянь кирдиятнень кандыть покш доход.

Од заемонь реализовань—покш политической тев. Эрва комсомолецтнень ды од ломанентнень эрви аволь ансяк эстензэ сёрмадсто заемонть лангс, но и добувам сень, штобу а кадомс вейкеяк ломань заемто. Заемс сёрмадсто, гражданинэс вадрыгавты советской народонтъ эрямонзо. Ков седе успешнасто карми молеме заемонь реализовань, тов седе бойкасто карми молеме минек масторсо строительствась. Секс киненьгак а эрви сацнемс шканть заем лангс сёрмадсто. Прядомс маласо читнестэ од заемс подписанть—вана мезень кис должен борояме эрва комсомолецсэ.



ЗАЕМ ТРЕТЬЕЙ ПЯТИЛЕТКИ (выпуск четвертого года)
ЗАЕМ ТРУДЯЩИХСЯ СССР СВОЕМУ СОЦИАЛИСТИЧЕСКОМУ ГОСУДАРСТВУ
ПОДПИСАТЬСЯ НА ЗАЕМ—ДОЛГ КАЖДОГО СОВЕТСКОГО ГРАЖДАНИНА!

КОЛМОЦЕ ПЯТИЛЕТКАНЬ (НИЛЕЦЕ ИЕНЬ НОЛДАВТ) ГОСУДАРСТВЕННОЙ ЗАЕМОНЫ НОЛДАМОДО

ССР-нь Союзонь Народной Комиссартнэнь
Советэнтъ постановлениязо

Советской Союзонть хозяйственно-культурной строительствань, государственной резерватнень виевгавтомань ды оборонной виензэ седе товгак кемекстамонь задачатнень топавтоманть населениань сбережениятнень таргамонь цельтнесэ ССР-нь Союзонь Народной Комиссартнэнь Советэс тей постановления:

1. Нолдамс Колмоце Пятилеткань (нилеце иень нолдавт) Государственной Заем 9 миллиард 500 миллион целковонь суммас.
2. Заемонть нолдамс 20 иень срок—1941 иень ноябрынь 1-це чистэ 1961 иень ноябрынь 1-це чис, иетэнтъ 4 процентнестэ.
3. Заемонь облигациятнень ды сынст эйсэ доходтнень, тень ютксто выигрыштнень, олякстомтомс государственной ды местной налогтнесэ ды спортнэсэ обложенианть эйстэ.

4. Кемекстамс Колмоце Пятилеткань (нилеце иень нолдавт) Государственной Заемонть нолдамонь Условиятнень, конатнень максынзе ССР-нь Союзонь Финанстнэнь Народной Комиссариатось.

ССР-нь Союзонь Народной Комиссартнэнь Советэнь Председателесь
И. СТАЛИН.

СССР-нь Народной Комиссартнэнь Советэнь Тевтнесэ Управляющеесь
Я. ЧАДАЕВ.

Москов, Кремль. 1941 иень июнь 2-це чистэ.

Кемекстызе ССР-нь Союзонь Народной Комиссартнэнь Советэс 1941 иень июнь 2-це чистэ

КОЛМОЦЕ ПЯТИЛЕТКАНЬ (НИЛЕЦЕ ИЕНЬ НОЛДАВТ) ГОСУДАРСТВЕННОЙ ЗАЕМОНЫ НОЛДАМОНЬ УСЛОВИЯТНЕ

1. Колмоце Пятилеткань (нилеце иень нолдавт) Государственной Заемось ашти кавто выпускто: беспроигрышнойстэ ды процентнойстэ.

Беспроигрышной выпусконь облигациятнень коряс весе доходось пандови выигрыш ладсо, процентной выпусконь облигациятнень коряс жо—купонтнень коряс процент ладсо.

2. Заемонь эрва выпускось явови разрядга 100 миллион целковой эрва разрядсэ.

Эрва разрядсэ ашти 20 тыща сериясто. Беспроигрышной выпусконь эрва разрядонь сериятнень улить номерэст 100.001 №-стэ 120.000 №-с, процентной выпусконть жо—180.001 №-стэ 200.000 №-с.

Эрва сериясонть облигациятнень улить номерэст 1-це номерстэ 50-це номерсэ.

3. Колмоце Пятилеткань (нилеце иень нолдавт) Государственной Заемонь облигациятне беспроигрышной выпусконть коряс нолдавить 500, 200, 100, 50, 25, ды 10 целковонь облигациянь достоинствасо, процентной выпусконть коряс жо 500, 200, 100 ды 25 целковонь облигациянь достоинствасо.

500 ды 200 целковонь достоинства со облигациятне аштит вейке сериянь соответственна вете или кавто 100 целковонь облигациясто вете или кавто номер марто ды максыть права:

(Пезэ 2-це страницасо)

Сёрмадстомасть моли пек вадрясто

Пек покш мельсэ минек масторонь трудиятне вастызь Колмоце пятилеткань (нилеце иень нолдавт) Заемонть нолдамодо кулянт.

Фабрикатнесэ, заводтнэсэ, од стройкатнесэ, учреждениятнесэ, колхозтнэсэ, совхозтнэсэ ды МТС-тнэсэ ульнест пек покш митингт, конатнесэ трудиятне невтизь эсест вечкемат ды преданностест партиятнень ды Советской правительстванть.

Тяжелой машиностроениянь Сталин лемсэ Краматорской заводонь кузнечной цехсэнтъ рабочейтнень, инженертнень, техниктнень ды служащейтнень митингсэнтъ кортась умонь кадровикесь Романенко ялгась.

— Од заемось,—мерсь сон,—карми лездемо социалистической строительствань икелепелень победатнень ды минек родинанть оборонной виензэ еще седеяк пек кемекстамонть большевистской партиянь ды вейкевикс Сталинэнь руководствас коряс. Арась вейкеяк советской заем, ковань лангс мон бу аволинь сёрмадсто. Мон максынь государстванть заемс малав 9 тыща целковой ды сатотсть заемтнень коряс выигрышт 100 тыща целковойде ламо. Но главной выигрышекс мон лован тышат од строязь заводтнень, фабрикатнень, машинно-тракторной станциятнень, учебной заведенийтнень, театратнень, здравничатнень, эйкакшонь яслятнень. Еще мон лован эсенекей главной выигрышекс—Якстере Армиянь ды Военно-Морской Флотонть грозной оружиясо—од самолетнэсэ, танкатнэсэ, пушкатнэсэ оснащенияст. Минек родинанть границатне аштит кеме панжума эхксэ!

Сексе жо митингтнеде мейле чокшнень смелатнесэ ушодовсь сёрмадстомасть, кона эрва косо ютась дружнасто, пек покш мельсэ.

Ламо колхозниктне сёрмадстома сумманть пельксэнзэ каить наличнойстэ. Сёрмадстома сумманть пелензэ каизь наличнойсэ Ростовской областень Константиновской райононь Чапаев лемсэ артелен колхозниктне, Николаевской областень, Еланецкой райононь Жданов лемсэ артелен колхозниктне ды ламо лият.

(ТАСС).

Паро пример заемонь распространениянь коряс

П. Кудашкина ялгась, Алова велень сберкассань заведующеесь, мелят ютавтсь покш агитационной работа заемонь распространениянь коряс. Весе мезэ реализовась заем 17880 целковой лангс. Вадря роботань кис Кудашкина ульнесь кавксть премировазь.

Истят успехть сон тейсь эсензэ перька активень организовазь. Активсэнтэ улить ламо истят ломать, конат ютавтсь подписка населениянь ютксо тышад ламо целковойсэ.

Ней Кудашкина ялгась ды сонзэ активезэ ветить работа Колмоце пятилеткань (нилеце иень нолдавт) заемонть реализовань коряс. Колхозниктне од заемонть лангс сёрмадстыть активнойстэ.

В. Яковлев,

Атяшевской р-н.

КОЛМОЦЕ ПЯТИЛЕТКАНЬ (НИЛЕЦЕ ИЕНЬ НОЛДАВТ) ГОСУДАРСТВЕННОЙ ЗАЕМОНЫ НОЛДАМОНЬ УСЛОВИЯТНЕ

(ПЕЗЭ)

а) беспроигрышной выпускной коряс 5 или 2 выигрыше, конат вешкасто пракшныть эрва номеранть ланге, кона невтезь облигациянть лангсо;

б) процентной выпускной коряс облигациянть весе нарицательной стоимости эйста процентной доходнть ланге.

50,25 ды 10 целковонь достоинствасо облигациянть аштит 100 целковонь облигациянть пельксекс ды макснить права 100 целковонь облигациянть ланге празь выигрышнть или процентной доходнть соответствующей пельксэнэ ланге $\frac{1}{2}$, $\frac{1}{4}$, $\frac{1}{10}$.

Примечания: 25 ды 10 целковонь достоинствасо облигациянть нолдазь подписчиктнень марто расчтнень туртов аясак сеть случайнестэ, зардо подпискань сумманть коряс не могут улеме максозь седе покш достоинствань облигациянть.

4. Заемонь беспроигрышной выпускной коряс выигрышнть аравтовить

3.000, 1.000, 500, 200 ды 150 целковонь покшолмасо 100 целковонь облигациянть ланге, облигациянть нарицательной стоимостенэ тезэй ловозь (100 целковой).

Заемонь 20 иень срокоть перть выигрышнть беспроигрышной выпускной эрва облигациянть.

Выигравшей облигациянть наравди ды налксемас седе тов тиражнень эйсэ а нолдави.

5. Заемонь 20 иень срокоть перть беспроигрышной выпускной коряс кармить улеме выигрышнть 80 тираж.

Выигрышнть тиражнень ютавневить 1942 иестэ сазь, эрва иестэ 4 тиражт срокотнестэ, конатнень аравтсынэ ССР-нь Союзонь Финанстнень Народной Комиссариатось.

6. Выигрышнть эрва тиражсонть беспроигрышной выпускной эрва разрядонть ланге, ланге меремс те выпускной эрва 100 миллион целковонь ланге, разыгрывается истамо количества выигрышнть:

ловозь, конасонть ютась тиражось. Теде мейлень сроконь купоннэ пандомас а понгонить.

11. Процентной выпускной облигациянть, конат савкшныть мекев рамамонтнень, ды иста жо купоннэ, конатнень пандомань срокот сазь могут улеме предъявленноть пандоманть

туртов 1962 иень ноябрынь 1-це чинть самс.

Те срокоть ютамодо мейле, облигациянть ды купоннэ, конат непредьявленной пандомантень, ёмавтсынэ вист ды пандомантень а савкшныть.

ССР-нь Союзонь Финанстнень Народной Комиссарось А. ЗВЕРЕВ.

Колмоце пятилеткань (нилеце иень нолдавт) Государственной Заемонь ланге подписканть ютавтомадо

ВЦСПС-нь Президиумонть постановлениязо

Советской Социалистической Республикнень Союзонь правительстванть постановлениязо коряс нолдазь Колмоце Пятилеткань (нилеце иень нолдавт) Государственной Заемось.

Профессиональной Союзтнень Всесоюзной Центральной Советань Президиумось мери весе фабрично-заводской ды местной комитетнень келейстэ толковамс рабочейтнень ды служащейтнень, весе трудиятнень, што средстватне, конат сыть Колмоце Пятилеткань (нилеце иень нолдавт) Государственной Заемонь эйста, кода теде икелень заемтнень эйста средстватне, улитъ целанек нолдазь теде социалистической Народной хазайстванть седе тов виегавтомантень, Советской Союзонь обороноспособностенэ седе тов кемекстамонтень.

Профсоюзной организациятнень эрви иста жо толковамс рабочейтнень, служащейтнень ды весе трудиятнень, што минек масторсонть государственной заемтне аштит сынет сбережениятнень ванстоманть туртов сехте надежной средствакс, што сынет аволь аясак ули пек покш значенияст социалистической государствань народной хазайстванть туртов, но максыть как сынетсест сёрмадстытнень аволь

вишкине доход выигрышнть вельде ды облигациянть коряс процентнень вельде.

Эрви рекомендовамс рабочейтнень, работницатнень, инженертнень, техниктнень, научной работництнень, врачтнень, учительтнень, искусствань работництнень ды служащейтнень сёрмадстомс колмоце Пятилеткань (нилеце иень нолдавт) Государственной Заемонь ланге 2—3 недлян зарботкань покшолмасо, конатнень жо улитъ покш зарботкастковонь зарботкань покшолмасо.

Профессиональной Союзтнень Всесоюзной Центральной Советань Президиумось ёвты виев кемема сенсэ, што весе рабочейтне ды служащейтне иста жо вейке мельсэ, кода ютазь иетнестак, сёрмадстыть Колмоце Пятилеткань (нилеце иень нолдавт) Государственной Заемонь ланге. Тенсэ Советской Союзонь трудия массатне таго одс невтсынэ эсест социалистической организованностест, анокчист участвовамс эсест трудовой сбережениятнестэ великой социалистической родинанть хазайствонной ды военной виезэ седе тов кемекстамонь теветнэ, певтеме преданностест Ленинэнь—Сталинэнь теветнэ, коммунизмань теветнэ.

Ве мельсэ

Радиось пачтизе СССР-нь СНК-нь постановлениянть Колмоце пятилеткань (нилеце иень нолдавт) заемонть нолдамодо. Кавто сядот рабочейт ды служащейт кунсолость те решениянть ды весе, теке вейке ломань, пурнавсь митингс. Митингнень панжизе партийной организациянть секретаресь Веткасов ялгась.

— Од заемось,—являвтсь сон,—седейк вадрылгавтсь минек эрямонть, максы од средстват социалистической промышленностентень.

Вал сайсь комсомолесэ стахановца Медведев ялгась. Сон эсь эрямонь примерэнэз невтисе заемтнень лезест.

— Аволь умок мон ульнинь чернорабочейкс,—корты Медведев ялгась,—ней жо—мастеран. Улитъ эрямонь ды роботань весе условиян. Монь кондят

неде жо масторсонть тычат. Чарьковде, што минек касомантень пек лездесть государственной заемтне.

Медведев ялгась сёрмадстась вейке ковонь зарплатанэ ланге, Тихонравова ялгась—400 целковой ланге, Ваняшкин—вейке ковонь окладе ды, прок профорг, являвтсь механической мастерсконь весе рабочейтнень пельде, што сынет эйста эрвась макссы ве ковонь зарботканэ заем государственвантень.

Аясак прядовсь митингесь, весе рабочейтне арасть очередь заемс сёрмадстомо. Ве мельсэ сёрмадстаст вейке ковонь зарботной платаст ланге. Теке чистанть жо подписной суммась кассэ 60 тыща целковейс.

П. Сая.

Саранск ош.

Од школат, больницат ды эйкакшонь яслят

Государственной заемонь 15 процент средстватне, конат сыть рабочейтнень ды служащейтнень кедьстэ подпискань коряс, ды велень населенианть подписной суммань 90 процентнэ максовить ошонь, районь, велень советань бюджетнэс. Неть ярмактне ютавтовить жилищной ды культурной строительствас, ошонь ды велень благоустройствас.

1936 иестэ заемонь распространениань сумманть эйста минек республикань ошонь ды велень бюджетнэс максозель 1.650.400 целковой, 1939 иестэ отчисленийань суммась кассэ малавкавсь, 1940 иестанть жо сон ульнесь 7 миллион 71 тыща целковой.

Трудиятнень сбереженияст ланге, конатнень сын максызь государствентень, теезь од школат, эйкакшонь яслят, площадкат, клубт ды ловнома кудот.

Саранск ошонь исполкомонь бюджетс 1941-це иестэ заемтнень эйста сы 680 тыща целковой, Краснослобод-

ской районь бюджетс—210 тыща целковой. Ков молить неть ярмактне? 36 тыща улитъ ютавтозь коммунальной строительствас. Иенть прядовомс Краснослободсконь трудиятне совить эрямо од, паро кудос. Электростанциян оборудованияс ды келейгавтомас капитальной вложениятне кармить улеме 135 тыща 400 целковой ды ки лангонь теemas—17 тыща целковой. Ванаков улитъ ютавтозь заемонь ярмактне.

Теде башка советской государственной заемтне кандыть покш доход подписчиктнень выигрышсэ ды процентсэ.

Мордовской АССР-нь—центральной сберегательной кассань даннотнень коряс ютазь иестанть облигациян кирдиятнень ульнесь пандозь выигрышт 1 миллион 765 тыща целковой. Меельс вете иетнень перть Мордовиян трудиятнень облигацияст ланге прасть выигрышт 9 миллион 822 целковой.

Иене	Кодат тиражнестэ	Выигрышнень количествась 3.000 целковой эрвась	Выигрышнень количествась 1.000 целковой эрвась	Выигрышнень количествась 500 целковой эрвась	Выигрышнень количествась 200 целковой эрвась	Выигрышнень количествась 150 целковой эрвась	Эрва тиражсонть выигрышнень общей количествась	Эрва тиражсонть выигрышнень общей суммась (целковейс)
1-це ие	1—4 тиражнестэ разыгрывається эрвасонть	1	5	50	1000	10944	12000	1874600
2-це ие	5—8 тиражнестэ разыгрывається эрвасонть	1	5	50	1000	10944	12000	1874600
3-це ие	9—12 тиражнестэ разыгрывається эрвасонть	1	5	50	1200	7944	9200	1464600
4-це ие	13—16 тиражнестэ разыгрывається эрвасонть	1	5	50	1200	7944	9200	1464600
5-це ие	17—20 тиражнестэ разыгрывається эрвасонть	1	5	50	1200	7944	9200	1464600
6-це ие	21—24 тиражнестэ разыгрывається эрвасонть	1	5	100	1400	5794	7300	1207100
7-це ие	25—28 тиражнестэ разыгрывається эрвасонть	1	5	100	1400	5794	7300	1207100
8-це ие	29—32 тиражнестэ разыгрывається эрвасонть	1	5	100	1400	5794	7300	1207100
9-це ие	33—36 тиражнестэ разыгрывається эрвасонть	1	5	100	1400	5794	7300	1207100
10-це ие	37—40 тиражнестэ разыгрывається эрвасонть	1	5	100	1400	5794	7300	1207100
11-це ие	41—44 тиражнестэ разыгрывається эрвасонть	1	5	100	1400	5794	7300	1207100
12-це ие	45—48 тиражнестэ разыгрывається эрвасонть	1	5	100	1400	5794	7300	1207100
13-це ие	49—52 тиражнестэ разыгрывається эрвасонть	1	5	100	1400	5794	7300	1207100
14-це ие	53—56 тиражнестэ разыгрывається эрвасонть	1	5	100	1400	5794	7300	1207100
15-це ие	57—60 тиражнестэ разыгрывається эрвасонть	1	5	100	1400	5794	7300	1207100
16-це ие	61—64 тиражнестэ разыгрывається эрвасонть	1	5	150	1600	11044	12800	2059600
17-це ие	65—68 тиражнестэ разыгрывається эрвасонть	1	5	150	1600	15594	17350	2742100
18-це ие	69—72 тиражнестэ разыгрывається эрвасонть	1	5	150	1600	21494	23250	3627100
19-це ие	73—76 тиражнестэ разыгрывається эрвасонть	1	5	150	1600	31294	33050	5097100
20-це ие	77—80 тиражнестэ разыгрывається эрвасонть	1	5	150	1600	37194	38950	5982100
Весемезэ весе 80 тиражнестэ разыгрывається заемонь беспроигрышной выпускной эрва 100 миллион целковейс		80	400	8000	110400	881120	1000000	158888000

7. Облигациянть, конатнень ланге прасть выигрышт, могут улеме предъявленноть пандоманть туртов 1962 иень ноябрынь 1-це чис. Те срокоть ютамодо мейле облигациянть, конат непредьявленной пандомантень, ёмавтсынэ вист ды сынэ а пандовить.

8. Заемонь процентной выпускной облигациянть коряс иестанть вейке раз 4 процентнэ размерсэ. Купоннэ пандомань сроктне топодекшнить эрва иень ноябрынь 1-це чистэ сазь 1942 иень ноябрынь 1-це чистэ сазь.

9. Процентной выпускной облигациянть мекев рамавить 1957 иень ноябрынь 1-це чистэ сазь 5 иень перть (1957, 1958, 1959, 1960 ды 1961 иетнестэ) вейкет пельксэ эрва иестанть.

Облигациянть, конат савкшныть мекев рамамонтень 1957,—1961 иетнестэ, аравневить погашениян эрва иень тиражнестэ. Погашениян тиражнень ютавтома срокот аравтнесынэ ССР-нь Союзонь Финанстнень Народной Комиссариатось.

Выкупонть пингста облигациян кирдиятнень пандови облигациянть нарицательной стоимостест, те иень ноябрынь 1-це чистанть сазь, конастонть ютась тиражось.

Облигациянть, конат эзть понго погашениян тиражнест, мекев рамавить 1961 иень ноябрынь 1-це чистэ сазь.

10. Облигациянть коряс, конат понгсть погашениян тиражнест, пандовить купоннэ, се иень ноябрынь 1-це чинь сроконь купоннэ тезэй

ЭЙКАКШОНЬ ЛІТЕРАТУРАНЬ УГОЛОК

Народной ёвнемат Суворовдо

Великой русской полководецтэнтэ А. В. Суворовдо народсонть кадовсть ламо морот, легендат ды ёвнемат. Неть моротне ды легендатне невтить Суворовонь славной полководцакс, валдо прев марто ломанькс. Вана зярня истят народной ёвнемат Суворовдо.

Суворовонь лекарствазо

Французтнэнь каршо походонь шкасто Суворов марто мольсь австрийской полковник Шток. Бойденть икеле Шток друк прась лишме лангсто ды мерсь сонензэ чици офицертнэнь, што сон а молеви бойс, секс што сонзэ кармась улема припадок.

Сонзэ снартнесть кепедемс ды кандомс госпитальс. Те шкастонть тозонь мольсь Суворов.

— Мезе мартонзо лиссь?—кевктисе фельдмаршалось.

Штокнэнь лездыця офицертнэ толковизь, што полковникесь друк ормалгадсь, арась виезэ молема бойс.

— Жаль, од цёра! Помилуй бог, жаль!—пшкадсь Суворов.—Сон-а ули мартонок! Кода сонзэ кадомс! Эх, казак, казак! Лазык пицаканть седе курок! Помилуй бог, жаль! Французтнэ пленс сайсызь! Штобу минексь пленс тенст аволь понго, лазык седе курок!

Но ансяк казакось велявтызе копынзо, кода «сэредицясь» ловкасто стясь пильге лангс ды пшкадсь.

— Мон ней пичкинй! Припадокось ютась, ютась!

—Пасиба пазонтень, те пек вадра, што, пичкить! Помилуй бог, сексе жо пичкась,—мерсь Суворов ды тусь сон седе тов.

Немецкой ям

Италиясо бойка переходто мейле солдатнэ вейке лей вакс тейсть привал. А кошкест, а лия ярасмо пелест арасель, пекест жо пек вачокшность. Кой-кона солдатнэ ойсесть лей чирес, таргсизь пенчест ды кармась ведте коршамо.

Те шкастонть апак учо появась Суворов. Сон неинзе, што солдатнэ ведте коршит, мольсь боказост ды мерсь: —Шумбратадо, цёрат! Мезе истятнэ тейнитядо?

— Коршатано немецкой ямдо, ваше сиятельство!

—Помилуй бог, кода паро!—мерсь Суворов.

Неть валтнэнь ёвтамсто сон таргизе эсензэ пенченть, озась солдатнэнь вакс

ды сонсь кармась лейстэ ведь коршамо, ды корты:

—Паро ямось! Помилуй бог, паро ямось! Вана фельдмаршалонть тожо ней пекезэ пешкедсь. Но чатымонедэ, цёрат. Французтнэ маласо—вейке переход. Сынст жо ламо пидезь-панезь ды жарязь—весе минек ули!

Тень мерезь, сон стясь ды тусь, нусмакадозь солдатнэ веселгадсь ды кувать еще пеедть.

Зяро вайгельбет менельс?

Суворов пек эзь вейке, зяро сонзэ кевкстематнэнь лангс отвечасть: «А содан». Сон эзь кирде коронзо истямо «а содамонт» ды вешсь подчиненнонзэ пельде точной ды бойка ответт. Весть сон кевктисе вейке эзь грепадеронзо:

—Зяро вайгельбет тестэ менельс?

—Кавто Суворовской переходт!—бойка отвечась находчивой солдатось.

Ды Суворовонь мелсь пек тусь те ответась.

„Вана ка тонь врагот!“

Вейке офицер эсь сеетсь пейдкшнемасонзо тейсь эстензэ ламо врагт армиясо. Суворов содась теде.

Весть сон тердизе офицерэнтэ эсензэ кабинетс ды мерсь тензэ удемс осторожнэюке.

—Тонь ули вейке пек опасной врагот,—мерсь Суворов,—ды сон теть теи ламо зыян!

Офицерэсь Суворовнэнь ёвтась пасиба предостережениянтэ кис ды энялдь ёвтамс те врагонть лемензэ.

—Аволь ли те Х. графось?—кевктисе сон.

—Арась,—отвечась Суворов.

—Аволь У. генералось ли?

Суворов таго мерсь, што аволь сон.

—Аволь Ш. князесь ли?

—Арась.

Ды кинь эссе лецне офицерэсь,

Суворов яла отвечась «арась».

Сестэ офицерэсь седейк пек кармась энялдомо Суворовонь икеле ёвтамс те врагонть лемензэ. Суворов меельсь-пелес согласясь ды, прок було мезде-бути пелезь, кевктисе:

—Кеместэ ли сёлгозь кенкштнэ?

Мейле сон мольсь кенкш вакс, пекстынзе сынст ключсо ды састо мерсь сфиперэнтнэ:

—Ливтик келеть!

Ды зяро офицерэсь ливтизе келензэ,

Суворов истя жо сэтсь мерсь тензэ:

—Вана ки тонь сех опасной врагот!

Кодамо чись?

Циркунось кирнявсь сильдей лангс, эждизе чисэнтэ пиже боканзо, лапанзо нартнезь, кармась пирнеме:

—Вадр-р-я чись!

—Бер-р-янь чись,—мерсь сукс, сонсь кармась седе васов совамо модас.

—Кода?—кирнявсь циркунось.—Бути менельсэнтэ пель панксак арась,

бути истя пистэ эжди чись, то эрьвась мери: вадра чись!

Вана бути ули пиземе ды моданть ланга теевить лембе чудикеркст, то те пек паро чись!

Но циркунось эзь согласи мартонзо.

—Кевкстятно колмоцень,—решизь сын.

Те шкастонть коткудав кандсь эсензэ лангсо пичень салмуks ды лоткась оймсеме.

—Евтадо,—пшкадсь тензэ циркунось,—кодамо течи чись?

Коткудавось лапинесэнзэ нартнэзе чамастонзо ливезенть ды арсезь мерсь.

—Те кевкстеманть лангс мон тенк

отвечан сестэ, зяро чись валги.

Циркунось ды суксось дивазевсь.

—Ну месьт жо, учосынек!

Ды чинзэ валгомадо мейле састь

покш коткудав пизэ вакс.

—Ну, кодамо течи чись?

Коткудавось невтьс томка варятнэнь лангс, конатнэнь сон чувинзе эсензэ пизэс, пичень салмуksтнэнь лангс, конатнэнь кочкинзе чинзэ валгомс, ды мерсь:

—Течи чись пек паро! Мон ламо трудинь ды ней вадрасто карман оймсеме.

В. Осеева.

Осел ды Коткудав

Имеретинской ёвкс

Ваставсь весть Осел Коткудав марто. Коткудавось пандо прясто стакасто канды олго пене.

—Месьт, Коткудав брат,—кевктни сонзэ Оселось,—кодамо тосо вере тикшесь?

—Вай, Осел, беда пряма: истямо сэрей ды тусто, теке вирь; кой-кода тосто лисевинь.

Кузсь Оселось пандо пряс тикшеде ярасмо, пачкодсь сех сэрей таркас ды тосо цють вачо эзь куло: аволь тикше, но ансяк нупонь, а козонь турват токавтомс. Ды вана тосто кодак а валгови.

Пасиба—азорось пижнеманзо кувалт муизе ды пикс вельде валтызе алов.

Но остатка алкуксонь канфетканть

Таня эссе саве секс, што Колян нолдызь телень каникулас.

Зярня чить Таня а ёнкстомозь вансь лелянзо лангс. Зяро жо кармась наряджамо ёлка, сон весень стувтынзе. Ёлкась ульнесь аволь простой. Таня-нень се чистэнтэ топодсь сисем иеть. Весе Таня-нень арсесть шумбрачи ды манссть казнеть. Меельсь казнеть максызе Коля.

—На! Тень мон умок тонеть ванстан,—мерсь сон, венстизе сазоронстань ашо гала марто сэнть коробканть.—Мон сонзэ премиякс получия тирсэ. Ансяк тон моненьгак макст вейке.

Таня визделгадсь. Нузядозь ладсо юксизе лентанть ды панжизе коробканть.

—Ванат кодат!—мерсь Коля, келемтизе сиянь конёвнэнь ды ёвкстызе канфетканть кургозонзо.

Таня вансь лангозонзо сельмс апаж конштнэ.

—Тантейт! Тон ансяк варшты!—мерсь Коля.

Таня капшазь келемтизе конёвнэнь ды кшинь канфетканть ёвкстызе кургозонзо.

—Да, пек, пек тантейт!—кортась Таня, почая кшинь порезь.

А. Шманкевич.

Истя сын невтьс кино...

Аволь умок «Земледелец» колхозонь клуб икелев педявтсь афиша, кона пачтась «Мы из Бронштадта» кинокартинанть невтемадо. Максиксэльт кавто сеанст. Колхозникне радовасть тенень ды учость, зяро ули невтезь, но учомаст ёмась стяко.

...Шкась уш ульнесь 8-це час, но картина ярс а невтить. 9-це частонть кирвайсь электролампочкась ды сексе жо мадсь: палеть свечатне. Пувордызь омбоце лампочканть, но... таго истямо жо тев. «Арась валдонь центрация»,—кортась Царев механикесь. Малав 11-це часос Царев яла ладясь «центрациянт». Меельсь-пелес, сон кармась невтема картинанть. Омбоце пельксэнтэ невтема валдось кармась мадеме ды, зяро-бути шкань югазь допрок мадсь. Механикенть лампочканзо больше арасельть ды роботась ульнесь лоткавтозь. Царев алтась невтеманзо омбоцеде, омбоце чистэ. Но колхозов сась сон нилеце чистэнтэ ды картинанть невтизе пек беряньстэ, меельсь пельксэнтэ жо овси эссе невте.

Кавто чиде теде мейле, колхозов сась звуковой кинопередвижка марто Панина механикесь. Но сонгак эссе топавто од ломатнэнь мелест. Бути Царев механикенть эзь моле тевезэ валдонть марто, то Панинанень эзь ладявт звукось. Вейке сеанс невтьс звукомо ды тусь. Алтась само «ванды», но те шкась эзь са.

Кода ваны неть безобразиянтнэнь лангс кинотеатрань дирекциясь?

Д. Петрунин,

П. Пузин, П. Таганин.

Краснослободской р-н.

Пришкольной участка лангсо роботатне

Краснослободской 1-це средней школы участка лангсо роботанть кармась анокстамо умок. Тейсть план, конаньсь ёвтась весе роботатне.

Участкась явось нилев. Васенце пельксэнтэ лангсо кармить роботамо начальной классонь тонавтницятне, омбоценть—5-це классонь тонавтницятне ды колмоценть лангсо—6—7—8—9-це классонь тонавтницятне.

Сокамось пришкольной участканть лангсо прядовсь. Теезь грядкат, кармась видеме.

«Искусственной отбор» разделэнтэ коряс десятиклассникне видсть пинемень эрьва кодат сортт ды товзюро.

6-це классонь тонавтницятне видсть кок-сагыз.

5-це классонь тонавтницятне тейсть опыт, кона невтьс ранней видеманть лезэнзэ. Сын видсть морков, яровизированной модамарь.

Начальной классонь участканть лангсо озавтнэзь ценят ды чувтт.

Кизна тонавтницятне кармить дежурямо участканть лангсо.

3. Недогадова.

Отличникне туйть лагерев

Курок прядовить испытаниянтне. Школань отличникне туйть пионерской лагерев. Минек Алова велень средней школы ВЛКСМ-нь райкомонт пельде получаь уш разнорядка седе, ков ды зяро пионерт кучомс лагерев. Весемезэ улит кучозь 24 пионер. Сынст эйтэ нилетне туйть массовой лагерьс, 20 пионер—походно-полевой лагерьс. Туипятнэнь ютксо сех ламотне истят, конат лововить аволь ансяк отличникекс, но и вадра общественникекс (И. Калашников, П. Пелагейкин, Е. Иневаткина ды лият).

В. Начаркин.

Атяшевской р-н.

СЭНЬ КОРОБКА

Коля эсензэ горобиинес тейсь секретной панжомы.

—Мезе тон арят кекшемс ды кинь эйтэ?—кевктисе тетязо.

—А ёван! Ули мезе ды ули кинь эйтэ,—отвечась Коля ды ёвкстызе горобиинэнь кровать алов.

—Ды а виде... Кенгели Колька,—мерсь Таня,—мон сонзэ зярдояк мезе-як эзинь сайне.

Валске жо, зяро весе тусть, сон таргизе кровать алдо горобиинэнь ды снартнэсь сонзэ панжомс. Сонзэ ульнесь мелезэ содамс, мезе тосо кекшезь.

Панжомы кодамояк арасель, но лангось эзь панжовт. Ды друк Таня случайна лепштизе вейке эске прянт, ды горобиинэсь панжовсь. Горобиинэнь яотмаксто, книга ды ташто тетрадь алдо, Таня мусь сэнть коробка, кона сюлм-сезель сэнть лентасо. Коробканть лангсо ульнесь картинка—пиже сёлт, сонзэ эзга уить ашо галат.

«Канфеткат!—Кежиявтсь Таня.—Колька кекшинь мон эйтэ канфеткат... Кода сонензэ а виськс? Вездь канфеткатнэнь свал вишкинетнэнень макснеть...»

Таня-нень охота ульнесь содамс, коневтнэнь потсо канфеткат или лия мезеяк.

Сон юксизе лентанть ды панжизе ко-

робканть. Канфеткатне путозельт ниле рядсо, ветень-ветень эрьва рядсонть, ды эрьва канфеткась тапардазель сиянь конёвнэсэ. Сестэ Таня-нень охота ульнесь содамс, шоколадной сын или лият. Савсь келемтамс коневнэнь. Канфеткась ульнесь шоколадной, рав-жо-коричневой, кикс марто. Тантейт ли канфеткатне или аволь? Савсь Таня-нень штюпамс вейкенть. Ну, а рази вейкенть эйтэ кармат содамост тантейт или арась? Ды кодак ансяк нолсинзе суронзо колмоценть свемадонзо мейле, Таня чарькодсь: «Парт!»

—Мезе жо мон теинь,—друк сон кармась янксеме,—ведь ней Колька карми содамс.

Таня-нень сексе жо апаркстомсь мелезэ, ды сон... савсь еще вейке канфетка. Но яла теке сонзэ эзь ойма седезэ.

«Мезе жо теемс?—арсесь Таня—ды чарькодсь.

Сюврясь равжо кхистэ ниле канфеткат, тапардынзе сынст сиянь коневнэсэнтэ ды путынзе коробкас. Кшинь канфеткатне мольсь алкуксонь канфеткатнэнь ёнов. Зяро омбоце чистэнтэ Таня сайсь еще вете канфеткат, вейке понгсь кшинь. Колмоце чинтень коробкас кадовсь ансяк вейке алкуксонь канфетка. Весе лиятне ульнэсть кхистэ.

Комсомолецтнэ видема шкасто

Шугуровань Калинин лемсэ колхозонь комсомолецтнэ те тунда мелень иенть коряс пек седе кеместэ борочить сэрей урожаенть кис. Комсомольской организациясонть лововить 15 комсомолец. 12 эйстэст роботыть непосредственна паксясо.

Паксясо роботыця комсомолецтнэ свал нормаст топавнить вельска. Видицяс Н. Аношкин ялгась 4,5 гектарт норманть таркас эрва чистэ видни 6,5 гектарт. И. П. Панькин ды Н. И. Аношкин комсомолецтнэ 1,25 гектарт норманть таркас эрва чистэ сокить 2—2,25 гектарт, плугартне А. Зорькин, М. Ромашкин ды И. Поляков эрва чинь нормаст топавнить 150—180 процентс.

Роботасо вадра пример невти сонсь комсомольской организациянь секретаресь Н. Пивкин ялгась. Изамсто норманзо топавтни малав 200 процентс. Те звенась ловови сех вадрякс весе лиятнень ютксо.

Комсомолецтнэнь эйстэ кармасть сасе пример аволь союзной од ломатнеяк. И. Чалдушкин 1,25 гектарт норманть таркас эрва чистэ соки 2 гектарт.

Комсомолецтнэнь вадра роботаст лездась колхозонтень маень 21-це чис прядомс зерновйтнень видеманть, маень 25-це чис видеельть весе лия культуранте.

Видеманть нурька шкас ютавтомантень иста жо пек лездась культурномассовой роботанть вадрясто аравтомась. Культурномассовой роботасонть покш участия примаст комсомолецтнэ. Комсомолец-трактористась А. Зорькин регулярна нолдтнесь стенгазета (ниле чис—вейке номер), С. Аношкин комсомолец-нолдни стенгазета бригадасо. Р. Малюшкина, Н. Пивкин комсомолецтнэ обеденной перерывстэ колхозниктнень ловныть газетат, ютавнить беседат.

Н. Бекшаев.

Б.-Березниковской р-н.

Европосо ды Африкасо войнась (Июнень 2-це чистэ военной действиятнень дневник)

Кода пачти германской сводкась, июнень 2-це чинь каршо вестанть германской бомбардировщикень покш соединениятне атаконь Манчестер английской портонть. Бомбардировазь иста жо Англиянь юго-западной ды южной побережьянь портнэ. Германской самолетнэ ваявтеть 2 английской торговой пароходт.

Английской авиациянь действиянзо ульнесь аволь виевть.

* * *

Германской информационной бюрось теде башка еще пачти, што Хора Сфакион районсонть (аволь покш порт Крит островонть юго-западной пелькесэнэ) теевсь омбоцедэ бой, конань результатсо немецтне сайсть пленс 31

тыща английской солдат. Крит островонть ды Египетанть ютксо ульнесь ваявтозь колмо английской эсминейт. Пек колазь вейке авианосец, колмо крейсерт, колмо эсминейт ды вейке патрульной судна. Вейке покш танкерась кирвайсь.

Кода пачти германской сводкась, германско-итальянской авиациясь бомбардировинзе Тобруконь портовой сооружениатнень ды портоонть аштиця английской суднатнень. Английской самолетнэ, тешкстневи английской сводкасонть, бомбардировизь Бенгази портонть. Соллумонь секторсонть—мезеяк существенной эзь тееве.

Абиссиниясо яла молить бойть Амхара ды Галла-Сидамо областнесэ.

(ТАСС).

Крит островонть кис бойтнень

Рейтер агентстванть пачтамонзо коряс, английской командованиянь представителесь яволявсь, што Крит островонть лангсо операциятнень шкастонть Германиянь ёндо примаст участия тыщадо аволь седе аламо самолет.

Кода пачти Ассошиейтед Пресс агентствась, английской солдатнэ, конат эвакуировазь Крит островонть, ёвтнть недовольства сень кувалма, што английской авиациянь лавшочизэ макссь возможность германской военно-воздушной вийтнень апак лотксе бомбардировамс ды леднемс пулеметсо английской войскактнень. Английской солдатнэнь арсемак коряс, те ульсь Кританть лангс англичантнень поражениянь главной причина.

Ламо английской газетатне сёрмадыть седе, мекс англичантнень мода лангонь операциятнень арасель максь лескс воздусто. «Дейли телеграф

энд морнинг пост» газетась невти, што английской войскактнень отступлениась ашти серьезной поражениякс. «Минек кедьсэ Кританть кирдемань значениязо, — сёрмады газетась, — должен ульнесь чарьковедиксэкс минек командованиянь туртов. Минек войскактне оккупировизь Кританть ютазь иень ноябрьсто. Зарья коновь перть минь содынек, што немецтне арсит энемс Балкантнэс. Яла теке, зардо германской военно-воздушной вийтне ушодызь эсест операцияст Кританть каршо, английской авиациясь, конань арасельть сатышкасто защищенной базанзо, ульнесь карматозь эвакуировавомс».

«Дейли мейл» газетась иста жо тешкстни, што Крит островонть лангсо английской войскактнень 7 коновь перть удемак лангс апак вано, арасельть примазь мерат сенень, штобу а нолдамс сонзэ саеманть.

(ТАСС).

Муссолини марто Гитлерэнь вастовомазо

Германской информационной бюрось пачти, што Гитлер ды Муссолини вастовсть июнень 2-це чистэ Бреннерсэ (Германия) ды иностранной тевтнень германской министранть Риббентропонь

ды иностранной тевтнень итальянской министранть Чианонь пингстэ зарья часонь перть кортасть политической положениандонть.

(ТАСС).

Вадря результатт

— Кинь ули мелезэ сех икеле получамс отличной отметка?—учителесь мельспаросо, мызодозь, варштась классонть лангс.

Колмо тонавтиця, Митя Сурков, Лёня Мокейкин ды Коля Исайкин, смелстэ кепедизь кедест. Эрвась эйстэст таргась билет ды кармась арсеме. А кувать арсемадо мейле, лиссь ответчамо Митя Сурков. Сонзэ ответэнзэ тусть аволь ансяк тонавтицятнень мелсь, но учителенть ды ассистентнэнь мелска.

— Васень отличной отметканть получизь Митя Сурков,—яволявсь учителесь.

Сонзэ мелыга вадрясто ответчасть остатка тонавтицятнеяк. Испытаниянь результатнэ лиссть иста: 17 тонавтицясто 9 ответчасть отличнасто, 7—парсте ды ансяк вейке—беряньстэ.

—Н. Базайкин.

Ардатовской р-н.

Берянь отметкат арасть

Тундонь проверочной испытаниятнень Теньгушевской средней школань учительтне ды тонавтицятне вастызь вадрясто анокстась. Испытанияс ульнесь нолдазь весе тонавтицятне.

Проверочной испытаниятне ютыть кеме расписаниянь коряс, ютко шкасто учительтне тейнить консультацию.

Вана В. И. Деваев учителесь ютавыть испытаният алгебрань коряс 9-це «А» классо, кона ловови сех вадря классокс. Тонавтицятне ответить смелстэ ды увереннойстэ. 27 тонавтицясто 11 полукасть «отлично», 15—«хорошо» ды 1—«посредственно». 7-це «Б» классо алгебрань коряс письменной роботатнень 4 ломать топавтызь отличнасто, 13—«хорошо», 4—«посредственно». Литературань коряс испытаниясо 8-це «Б» классонь 16 ломань полукасть «отлично», 8—«хорошо» ды 1—«посредственно».

А. Кошелев.

Теньгушевской р-н.

Садонь ды эмежбирень вредительтне ды сынст каршо бороцямось

Ламо школань улит эсест башка участват, косо касыть плодово-ягодной чувтт, эрсить видеязь эмежт. Сеетстэ умаринатне, ягодниктне, эмежтне ёмсит эрва кодамо ормадо ды сень кувалт, што сынст эйс кайсевичь вредительт.

Садонь вредителекс сехте сеетстэ эрсить боярышница, златогузка, кольчатой шелкопряд, яблоневой цветоед, плодоярка ды лият. Сёксна умаринань таратнэс кадочкшныть коськезь лопат, конат тапарязь шанжавонь коцтсо. Неть лопатнень ютксо аштить шелко-вистой апокшке кокончикть, сынст эйсэ теленть ютавитть боярышницань од гусеницатне. Тунда неть гусеницатне лисить ды кармить пореме пургондактнэнь ды мейле лопатнень. Гусеницатне серойть, лангаст таргавозь колмо раужо кикст. Тунда эряви правтнемс гусеницань неть пизэтнень ды пултнемс. Бути жо гусеницатне уш лиссть, сестэ сынст эряви куловтомс иста: пурксемс парижской зеленсэ или хлористой барийсэ, или жо опыливать мышьяково-кислой кальцийсэ.

Златогузкань гусеницатне теленть ютавтнесызь пизэтнесэ, конатне тейневкшневить чувтнень прясо шанжавонь коцтсо тапарязь лопатнестэ. Вейке пизэсэнь эрсить малав 500 гусеница.

Рана тунда сынст иста жо лисить ды кармить пореме пургондактнэнь ды лопатнень. Сынст—раужо-серойть, лангаст кавто рядт якстере ды ашо пятнат. Сынст каршо бороцямонь мератне иста жо: валтомс пизэтнень ды пултнамс. Бути появить гусеницатне, сестэ сынст пурксемс известь марто парижской зеленсэ.

Тундонть ушодовомсто од чувтонь таратнэс сурксекс тапардавозь эрсить кольчатой шелкопрядонь кеместэ аштиця серой алнэть, конатнень лиякс мерить «куковь сельге» (кой косо жо — «куковь сельведть»). Неть алнэтьстэ лиснить гусеницат, конат иста жо кармить сёвеме пургондактнэнь ды лопатнень. Гусеницатне — сёв-серой цветань, лангаст якстерень кондымо кикскет. Неть сурксектнень (алнэтьнень) марто таратнэнь эряви керсемс ды пултнамс. Штобу авольть поява гусеницат, эряви плодовой чувтнень цветамодо икеле ды мейле пурксемс парижской зеленсэ.

Умаринанть цветамсто цветань койкона бутонть а панжить, буройгадыть ды коськить. Те бутоноть поцо аштить яблочной. цветоедкс тюжань кондымо личинкат—4—5 миллиметрнэ кувалмсо увжине серо-каричневой цветань кондымо. Теленть неть увжинетне

ютавнить празь лопатнень ало. Рана тунда сынст кузить чувотнэс, ды ярысь пургондактнэде. Цветамодо икеле увжинесь теи эстензэ тарка ды тозонь алын алт, конатнень эйстэ аволь пек ламо чинь ютазь лисить личинкат, сынст сёвсэзь бутоноть потмонзо. Бороцямонь мератне: урядамс ташто коранть ды сень, мезе лиси урядамсто, пултнамс. Щит лангс тунда сорновтнемс (певердямс) увжинетнень ды маштнемс сынст. Теёмс мышьяково-кислой кальцийсэ пурксема.

Чувтонь коратнень ласкстнэсэ теленть ютавнить яблоневой плодояркань гусеницатне. Тунда сынст теевить куколкакс ды июнь коновть ушодовомсто эйстэст лисить а покшке нимиланьтэ. Лопатнень лангс сынст алыть алнэть, конатнень эйстэ кемешка чинь ютазь лисить гусеницат, конат кармить умаренть сёвеме. Бороцямонь мератне: пурнамс весе сень, мезе пры умариватнень алов. Цветамодо мейле чувтнень пурксемс парижской зеленсэ, опыливать мышьяково-кислой кальцийсэ. Омбоцедэ пурксемс лишной сюлмавкстнэнь прамонь-певеремань шкастонть.

Аволь аламо врагост эмежбирень растениятненьгак ды васняк капстанть: капустной совка ды капустной белянка. Капустной белякань нимиланьтэ покш, ашо, икельце лапанзо лангс кавто раужо петнат. Нимилянть алыть алт капста лопань алце ёнкстнэс. Алнэтьстэ лисить пижень конды-

мо гусеницат, конат кармить лопатнень сёвеме. Эряви кундемс гусеницатнень ды маштнемс, капстантнень пурксемс парижской зеленсэ.

Капустной совкась сёви лопатнень, мейле эци коцёнонтень, тозонь теи вара, коцёнось наксады ды ёми. Бороцямонь мератне иста жо, кодат капустной беляканть каршо.

Капустной тлясь колси лопатнень ды видмекстнэнь. Неть насекомитне-вишкшнеть, пижеть, пры трить растениянь соконзо эйсэ. Бороцямс сынст каршо иста: пурксемс сапонень растворсо—100—180 грамм ведень 10 литрас.

Куяронь, дынань, арбузонь вредительтне: бахчевой тля ды паутинной клещик. Те клещикс пек вишкшнеть. Сёви лопатнень. Бороцямонь мератне: коцкше пурксемс никотин-сульфатсо—10—12 граммт ведень 10 литрас, юткозонзо каямс 200 грамм пиже сапонь.

Помидоронь (томатонь) ормаке ашти раужо пятнистостесь, сон помидортнень колы кенереме шкастонть. Штобу помидортнэ авольть наксадо, эряви пурксемс 1 процентной бордосской жидкостьсэ. Колезь помидортнэнь сезнемс. Лопатнень ашо пятнистостенть каршо бороцямс иста: урожаенть пурнамодо мейле урядамс растительностень кадочкшнэнь. Тейнемс тараткетнень керсема ды иста жо пурксемс икеле ёвтазь жидкостьсэнь. Д. ГРИГОРЬЕВ.

Ответ. редакторсь А. ШЕГЛОВ.